

NAQQIUT

Siunnersuut 11. august 2017-imeersaq taarserpaa

Tunngavilersuut

Naqqiuteqarnikkut kalaallisuuani ataasiakkaanik iluarsiiisuteqartoqarpoq aammalu Naatsorsueqqissaartarfik pillugu inatsisartut inatsisaata 1999-imeersup qulequtaa allanngortinneqarluni.

Siunnersuummut nassuiaatit

Nassuiaatit nalinginnaasut

1. Aallaqqaasiut

Inatsisartut Naatsorsueqqissaartarfik pillugu inatsisaat 1999-imeersuuvoq, taassumalu saniatigut Naalakkersuisut siulersuisunut siulittaasup akissarsiassaasa inissinneqartarnissaat pillugu piginnaatitaaffimmik tunineqarnikuupput Inatsisartut inatsisaat nr. 36, 9. December 2015-imeersaq (Paasissutissanik ingerlatitseqqinneq, siulersuisut ajunngitsorsiassaata) aallaavigalugu.

Aalajangersagaq nr. 1238 14. Oktober 2016-imeersumi inatsit Kalaallit Nunaanni inuit pillugit paasissutissanut tunngasooq atuutilerpoq, tassanilu inunnut paasissutissat paarlaasseqatigiissutigineqarsinnaanerata pisinnaalerpoq. Taakkua peqqutigalugit inatsit 1999-imeersaq Naalakkersuisuniit nalilersorneqaqqittariaqalersimavoq Naatsorsueqqissaartarfik pillugu inatsit aqqissuunneqaqqissinnaanera nalilersorneqaqqittariaqarsimalluni. Suliaq aallartisarneqassaaq, naatsorsuutigineqarporlu ukiuni tulliuttuni suliaq naammassineqarumaartoq.

Suliat aallartinnginnerini Naatsorsueqqissaartarfimmi siulersuisuni ilaasortaanissap soqutiginarsarneqarnissaa qulakkeerniarlugu Naatsorsueqqissaartarfimmi siulersuisunut ilaasortat akissarsitinneqartarnerannut atatillugu inatsisip allanngorneqarnissaanut siunnersuusiortoqarpoq.

2. Siunnersuummi immikkoortut pingaarnerit

Siunnersuutigineqarpoq Naatsorsueqqissaartarfimmi siulersuisuni ilaasortat akissarsiassaqartinneqarneri allanut akissarsiassaqartitsinermut malittarisassanut nalimmassarneqarnissaat, soorlu assersuutigalugu Kalaallit Nunaata Radioani siulersuisunik ilaasortat aqqissuunneqartarneranut malittarisassaq.

Taamaattumik siunnersuutigineqarpoq Naalakkersuisut pisussaatitaassatut siulersuisuni ilaasortat qanoq akissarsiaqartinneqarnissaannut inatsisiliorsinnaanerminnik, soorluttaa qamma Naalakkersuisut Naatsorsueqqissaartarfimmi siulersuisuni ilaasortat suliaminnut atatillugu angalanerminnut, nerisaqarniarnerminnut ineqarniarnerminnullu atatillugu qanoq ajunngitsorsiasaqartinneqarnissaannut inatsisiliorsinnaassasut.

Siunnersuutigineqarpoq siulersuisuni ilaasortat annerpaamik ukiumut 35.000 kr.-inik akissarsiaqartinneqartassasut siulersuisunilu ilaasortaq ukiumut 90.000 kr.-inik akissarsiasaqartinneqartassalluni. Assigiinngissutsimut peqquataasoq tassaavoq Naatsorsueqqissaartarfimmi siulersuisuni siulittaasup akisussaaffeqarnerunera, kisiannili aamma isiginiarneqarpoq siulersuisuni ilaasortap Naatsorsueqqissaartarfiup aningaasaqarnikkut inissisimaneranut attuumassuteqannginnera.

Akissarsiasap annertussusaata inissinneqarneranut peqquataasoq tassaavoq Naatsorsueqqissaartarfimmi siulersuisuni ilaasortatut suliasap annertussusaa, tassanilu isiginiarneqartut tassaapput ataatsimiinnissat, piareersarnissat, angalanissat aammalu Naatsorsueqqissaartarfiup saqqummersittagaanut malinnaanissamut piffissamik atuineq.

Siulersuisuni ilaasortat arlaatigut oqartussaqaarfinni kattuffinniluunniit, assersuutigalugu qitiusumik allaffeqarfinnit, KANUKOKA-mit, Kommuneqaarfinnit, Sulisitsisut kattuffiannit imaluunniit Pinngortitaleriffimmiit akissarsiaqartitaasut siulersuisunut ilaasortaanerminnut atatillugu akissarsiaqalernissaat aamma siunertaavoq.

Naatsorsueqqissaartarfimmi akissarsiasat tungaatigut aningaasartuutit qaffanneqarneri sinaakkutaasut malillugit immikkoortortaqarfimmi nammineq matussuserneqassapput.

Aammattaaq Inatsisartut inatsisaata kalaallisuuata qulequtaa iluarsineqarpoq, taamaalilluni taanna maanna allattaatsimut naapertuuteqqullugu.

Siunnersuut inatsimmik atuutereersumit ataqatigiissarneqarpoq	
Oqariartuut atuuttoq	Siunnersuut
	§ 1
	Inatsisartut Naatsorsueqqissaartarfik pillugu inatsisaat nr. 11, 29. Oktober 1999-imeersumi Inatsisartut Naatsorsueqqissaartarfik pillugu inatsisaata allanngortinneqarneranik Inatsisartut

	inatsisaat nr. 36, 9. december 2015-imeersumi ima allannguisoqassaaq:
Landstingslov nr. 11 af 29. oktober 1999 om Grønlands Statistik	Inatsisartut inatsisaata qulequtaa ima oqaasertalerneqassaaq: ”Naatsorsueqqissaartarfik pillugu Inatsisartut inatsisaat nr. 11, 29. oktober 1999-imeersoq”
” Imm. 5. Naalackersuisut pisussaatinneqarput ukiumoortumik siulersuisut siulittaasuannut ajunngitsorsiassaartitsissallutik, Namminersorlutik Oqartussat tamakkiisumik ilaannakortumilluunniit suliffeqarfinni piginneqataaffigisaanni, siulersuisut siulittaasuisa ajunngitsorsiassaasa piffissami minnerpaaffiisa affaanik nalilimmik.”	2. § 5, imm.5 ima allanneqassaaq: ”imm. 5. Naalackersuisut siulersuisuni ilaasortat qanoq akissarsiaqartinneqarnissaannut aammalu siulersuisuni ilaasortaanertik peqqutigalugu angalanerminnut, nerisaqarnerminnut ineqarniarnerminnullu atatillugu ajunngitsorsiassaannut inatsisiliorsinnaapput”
	§ 2
	Inatsisartut inatsisaat ulloq januaarip aallaqqaataani 2018-imi atuutilissaaq.

3. Pisortanut aningaasaqarnikkut allaffissornikkullu kingunerisassat

Naatsorsueqqissaartarfimmiit akissarsianut aningaasartuutit qaffariaateqarneri nammineq sinaakkutaasut malillugit matussuserneqartassapput, taamaattumik naatsorsuutigineqanngilaq siunnersuut arlaatigut oqartussaqaqfimmuut aningaasatigut akuersissutaasariaqassasoq.

Siulersuisuni ilaasortat tamarmik ukiumut 35.000 kr.-inik akissarsisinneqartassappata siulersuisunilu siulittaasoq 90.000 kr.-inik ukiumut akissarsiaassaqaqartinneqartassalluni taava Naatsorsueqqissaartarfimmut aningaasartuutissat 155.000 kr.-inik qaffariaateqarnissaat naatsorsuutigineqarpoq.

Siunnersuut eqqaasariaqartumik oqartussaqaqarfinnut arlaatigut allaffissornikkut kinguneqarnissaa naatsorsuutigineqanngilaq.

4. Inuussutissarsiornermik ingerlataqartunut aningaasaqarnikkut allaffissornikkullu kingunerisassat

Siunnersuut inuussutissarsiornerup iluatigut arlaatigut eqqaasariaqartunik kinguneqarnissaa naatsorsuutigineqanngilaq.

5. Avatangiisinut, pinngortitamut inuillu peqqissusaannut kingunerisassat

Siunnersuut arlaatigut eqqaasarialinnik avatangiisinut aammalu/imaluunniit pinngortitamut kinguneqarnissaa naatsorsuutigineqanngilaq.

Siunnersuut arlaatigut eqqaasarialinnik inuit peqqissusaannut kinguneqarnissaa naatsorsuutigineqanngilaq.

6. Inuiaqatigiinnut kingunerisassat

Siunnersuut arlaatigut eqqaasarialinnik inuiaqatigiinnut kinguneqarnissaa naatsorsuutigineqanngilaq.

7. Kingunerisassaasinnaasut allat pingaarutillit

Siunnersuut arlaatigut eqqaasarialinnik kinguneqarnissaa naatsorsuutigineqanngilaq.

8. Oqartussanut, kattuffinnut assigisaanullu tusarniaanerit

Siunnersuut piffissami maajip 5-ianit juunip 9-a 2017-ip tungaanut tusarniaassutigineqarpoq:

SIK, Sulisitsisut (GE), NUSUKA, KANUKOKA, Naalakkersuisut Siulittaasoqarfiata Naalakkersuisoqarfia, Aatsitassarsiornermik Naalakkersuisoqarfik, Inuussutissarsiornermut, Suliffeqarnermut, Niuernermut Nukissiuuteqarnermullu Naalakkersuisoqarfik, Peqqissutsimut Naalakkersuisoqarfik, Aalisarnermut Piniarnermullu Naalakkersuisoqarfik, Isumaginninnermut, Ilaqtariinnermut, Naligiissitaanermut Inatsisinillu Atuutsitsinnermut Naalakkersuisoqarfik, Ilinniartitaanermut, Kultureqarnermut, Ilisimatusarnermut Ilageeqarnermullu Naalakkersuisoqarfik, Pinngortitamut Avatangiisinullu Naalakkersuisoqarfik, Namminiilivinnermut, Nunanut Allanut Nunalerinermullu Naalakkersuisoqarfik, Kommunit, Nunaqarfinnut, Isorliunerusunut, Attaveqatigiinnermut Ineqarnermullu Naalakkersuisoqarfik aammalu Naalakkersuisut tusarniaatillutik atortagaat.

Naalakkersuisut Siulittaasoqarfianit, Ilinniartitaanermut, Kultureqarnermut, Ilisimatusarnermut Ilageeqarnermullu Naalakkersuisoqarfimmit, Nunanut allanut pisortaqarfimmit, Pinngortitamut Avatangiisinullu Naalakkersuisoqarfimmit aammalu Peqqinnissamut Naalakkersuisoqarfimmit tusarniaasoqarneranit akissuteqartoqarnikuuvoq.

Ilinniartitaanermut, Kultureqarnermut, Iisimatusarnermut Ilageeqarnermullu Naalackersuisoqarfimmit, Nunanut allanut pisortaqarfimmit, Pinngortitamut Avatangiisinullu Naalackersuisoqarfimmit aammalu Peqqinnissamut Naalackersuisoqarfimmit siunnersuummut oqaaseqaateqartoqanngilaq.

Naalackersuisut Siulittaasoqarfiannit oqaatigineqarpoq, Naatsorsueqqissaartarfimmi siulersuisunut akissarsiaqartitsinermit inatsimmut malinneqartussa eqqarsaatigalugu ingerlatseqatigiiffimmi siulersuisunut ajunngitsorsiasaritinneqartut annertussusaannut innersuunneqarnerat pissusissamisunngitsoq. Siullertut aktiaateqarluni ingerlatseqatigiiffinni siulersuisuni ilaasortaneq sumiluunniit imminut nallersuussinnaanngimmat. Aappaattut siunnersuutigineqartumi ingerlatseqatigiiffimmi siulersuisunut ilaasortat akissarsiaritittagaannut innersuussinermi nalunarsivoq kikkut siulersuisunut ilaasortanut akissarsiasanik aalajangiisussatut piginnaassuseqarnermut. Naalackersuisummi piginnaatinneqarmata.

Naalackersuisullu siulittaasoqarfianinngaanniit kaammattuutigineqarpoq, KNR-imi siulersuisunut ilaasortanut ajunngitsorsiaqartitsinermit tunngatillugu aalajangersakkamut (Kalaallit Nunaata Radioanut (KNR) ileqqoreqqusat pillugit Namminersornerullutik Oqartussat nalunaarutaanni § 31 imm. 8) innersuussisoqassasoq.

Kaammattuutigineqartut tunngavigalugu siunnersuummi allannguisoqarpoq.

Aammattaq Naalackersuisut Siulittaasoqarfianninngaanniit inunnut paasissutissanut tunngatillugu ukiuni kingullerni Naatsorsueqqissaartarfimmi ukkataqartoqarnerusimanera peqqutaalluni suliassat annertunerulersimaneri oqaaseqaatigineqarpoq. Tassanilu Naalackersuisut Siulittaasoqarfiannit kaammattuutigineqarpoq tamanna itinerusumik qanoq suliassaqtitsinerulersimanersoq nassuiaatigineqassasoq immaqaluunniit paasissutissaq piiginnarneqassasoq.

Inatsisissamut oqaaseqaatit siunnersuutigineqartumi aaqqiissutigineqarpoq. Paasissutissaq peerneqarpoq.

Aaliangersakkanut ataasiakkaanut nassuiaatit

§ 1-imut

Nr. 1-imut

Kalaallisuuani maanna taaguut allanngortinneqassasoq siunnersuutigineqarpoq, taamaalilluni maanna allattaatsimut naapertuuteqqullugu.

Nr. 2-mut

Siunnersuutigineqarpoq Naalackersuisut pisinnaatitaalissasut Naatsorsueqqissaartarfimmi siulersuisuni ilaasortat ajunngitsorsiassaannut inatsisiliorsinnaalissasut.

Aammattaaq naatsorsuutigineqarpoq siulersuisuni ilaasortat oqartussaqaqarfinni imaluunniit kattuffinni akissarsiallit, assersuutigalugu Qitiusumik allaffeqarfimmit, KANUKOKA-mit, kommuneqarfinit, Sulisitsisut kattuffiannit imaluunniit Pinngortitaleriffimmit siulersuisuunerminnut ajunngitsorsiassaqaartilernissaat.

Naalackersuisuttaaq pisinnaatitaalissapput Naatsorsueqqissaartarfimmi siulersuisuni ilaasortat suliaminnut atatillugu angalanerminnut, nerisaqarniarnerminnut ineqarniarnerminnullu atatillugu qanoq ajunngitsorsiassaqaqartinneqarnissaannut inatsisiliorsinnaassasut.

§ 2-mut

Siunnersuutigineqarpoq Inatsisartut inatsisaat januaarip aallaqqaataani 2018-imi atuutilissasoq.